



UNIVERSITÄTS-
BIBLIOTHEK
PADERBORN

Orator Christianvs Caroli Regii E Societate Iesv

Reggio, Carlo

Romæ, 1612

Virtutes, & exemplum Christi. cap. 12.

[urn:nbn:de:hbz:466:1-68672](https://nbn-resolving.org/urn:nbn:de:hbz:466:1-68672)

Ioan. 10.
Marc. 16.

Hebr. 2.

Christus exemplar omnium virtutum.

Ioan. 13.

Luc. 22.

Matt. 20.

1. Pet. 2.

Coloss. 2.

Hom. 24.

in epist. ad Rom.

Li. de moral. circa finem.

De perfecta forma hominis Christiani.

ni.

plurimum valent ad confirmandam contra Iudaeos, gentiles ac haereticos fidem, & doctrinam Christi, sunt enim ut sigilla plicata, quae literis, & diplomatibus regijs adhibentur. Ideo Christus, si mihi, inquit, non creditis operibus credere: & de Apostolis dicitur, Illi autem profecti pradicauerunt vbi que Domino cooperante, & sermopem confirmante sequentibus signis: Et ad persuadendam item sanctitatem, ac mores quos Christi doctrina docet, vnde merito Paulus ait, quomodo nos effugerimus si tantam neglexerimus salutem, quae cum initium accepisset, confirmata est, contestante Deo signis, & prodigijs. Sequitur tertium, scilicet exempla virtutum Christi.

Virtutes, & Exemplum Christi *Cap. XII*

EX Christi virtutibus debet Ecclesiastes exempla, & materiam sumere ad omnes Christianas virtutes populis persuadendas: afferam exempla in aliquibus. Sed primo genere loquendo optimum est proponere Christum, ut exemplar omnium virtutum illustrissimum, & vrgere ex Christi imitatione ad eas amplectendas, sic enim Christus suos discipulos hortari ad sui imitationem solebat; Exemplum enim dedi vobis, ut quemadmodum ego feci, & vos faciatis. Et cum orta esset contentio inter discipulos, quis eorum videretur esse maior, Christus hortatus est ad humilitatem suo exemplo, Ego, inquit, in medio vestrum sum, sicut qui ministrat. Et non veni ministrari, sed ministrare. Eodem modo D. Ret. hinc argumentatur, Christus passus est pro nobis, vobis relinquit exemplum, ut sequamini vestigia eius. Hoc idem est quod Paulus sapienter monet, ut exuto veteri homine, induamus nouum hominem Christum; nam ut explicat Chrys. Induere Christum non aliud est quam ipsum vndique in nobis per sanctimoniam & mansuetudinem conspicuum esse, homo enim indutus id esse videtur quod indutus est, qui Christum indutus est omnem simul in vniuersum virtutem habet quando autem Paulus dicit, induimini, vndique nos illo circumdari iubet. Idem etiam Paulus imitatores, (ait,) mei estote sicut, & ego Christi, quasi dicat, ne credatis rem ardua esse Christum imitari, nam & ego eius sum imitator. Sic argumentatur Cypri. Cum mundus oderit Christianum, quid amas eum qui te odit? & non magis sequeris Christum qui te & redemit, & diligit? Et Greg. Nissenus docet, perfectam Christi imitationem efficere posse, ut Christianus vniuersi caritatis

cari possit alter Christus, scilicet in humilitate, patientia, charitate alijsque virtutibus quod eleganti similitudine illustrat. Quomodo in catena, qui eam qua in extremitate est curaturam attraxerit, eas qua continenter inter se coherant, per ynam attraxerit ita quoniam Christi nomini reliqua quoque natura coherent, necesse fuerit eum qui ynam attraxerit, yna cum ipso reliqua attrahere.] Deinde descendendo ad virtutes aliquas in specie. Ad fidem poterit hortari, non exemplo Christi, qui cum Beatus in parte superiori animae Deum clara visione intueretur, non habuit fidem, sed ex eo quod Christus fidem a nobis poscebat, ad quam confirmandam multa edidit miracula, vt iam dicebamus, & laudauit fidem Cananea, o mulier magna est fides tua; ac Centurionis, Non inueni tantam fidem in Israel, & alteri dixit, Si credis, omnia possibilia sunt credenti, cuius fidei augmentum nos a Christo saepe precibus exposcere debemus cum illo, Credo Domine, adiuua incredulitatem meam; & cum Apostolis, Adauge nobis fidem. Ad spe eodem modo non exemplo Christi, quia possidebat, non sperabat, sed ex multis eius dictis factisque; Sic D. Petrus Benedictus Deus, & pater Domini nostri Iesu Christi, qui secundum magnam misericordiam suam, regenerauit nos in spem viuam, per resurrectionem Iesu Christi ex mortuis, in hereditatem incontaminatam, & incorruptibilem in quo exultabitis modicum nunc si oportet contristari, vt probatio vestrae fidei multo preciosior aut inueniatur. Et infert ad spei confirmationem. Qua propter succincti lumbos vestros, sobrii perfecte sperate in eam qua offertur gratiam. Ad spem venia peccatorum multa sunt in Christo qua inuitant, vt illud quod peccatores recipiebant, & erat cum eis, & docet se non venisse iustos vocare, sed peccatores ad penitentiam, & alia multa qua ad hoc ipsum, & docuit, & fecit. Ad Charitatem Dei, mouet Christi erga nos immensus amor: Sic Paul. estote imitatores Dei sicut filij charissimi, & ambulate in dilectione, sicut & Christus dilexit nos, & tradidit semetipsum pro nobis, Vnde inferre licet exemplo Christi perfectum amorem qui in factis magis, quam verbis ostenditur, sicut ipse fecit, Vt cognoscat mundus quia diligo Patrem, & sicut mandatum dedit mihi Pater sic facio, surgite eamus. Et rursus, Meus cibus est vt faciam voluntatem eius qui misit me. Sic & nos faciamus. Item, vos amici mei eritis si feceritis qua precipio vobis. Immensitas amoris Christi erga nos inde colligi debet, quia Christi anima perfectissimo amore

Z 3 Deum

Fides a Christo praedicata.

Matt. 15.

Matth. 8.

Marci 9.

Matt. 17.

Spes nobis comendata.

1. Pet. 1.

Luc. 15.

Luc. 5.

Eph. 5.

Amor Christi in Patrem prouocat nostrum.

Ioan. 14.

Ioan. 4.

Charitas Christi erga homines.

es ac
plu-
Chri-
pollo
mino
Et
ti do-
gile-
cepit
equi-
am
unio-
milit
in
matro
s per-
nerit
om-
tione
horre-
is, vt
et con-
Chri-
mie, in
uiftra-
atur
m, vt
s mos
Chri-
ind est
ueendi
ar, quo
in vni-
tiam
is im-
ne
us sum
Chri-
docti
us vo-
cari

Deum Patrem suum amabat, & quoniam cognouit illius esse voluntatem, vt homines redimeret, & saluaret illa sacratissima anima, tota in hominum amorem, & nostram salutem procurandam conuersa est, ex illo fonte hic amplissimus fluius manauit. Vnde argumentari licet, quantum, & nos amorem ei rependere oporteat. Ad charitatem proximorum veram, exemplo Christi argumentatur Ioan. In hoc cognouimus charitatem Dei; quoniam ille animam suam pro nobis posuit, & nos debemus pro fratribus animas ponere. Vnde etiam infert aliud opus charitatis. Qui habuerit substantiam huius mundi, & viderit fratrem suum necessitatem habentem, & clausit viscera sua, quomodo charitas Dei manet in illo. Et Paul. Vniquisque proximo suo placeat in bonum ad edificationem, etenim Christus non sibi placuit, sicut scriptum est, impropria impropertium tibi ceciderunt super me: & subdit, Deus autem patientia; & solatij det vobis idipsum sapere in alterutro, & addit, secundum Iesum Christum, & adhuc subdit, propter quod suscipite inimicem, sicut, & Christus suscepit nos in bonorem Dei. Et ad Coloss. Viri diligite vxores vestras, sicut Christus dilexit Ecclesiam, & tradidit semetipsum pro ea. Ad amorem inimicorum Paulus inuitat. Comendat autem Deus charitatem suam in nobis, quoniam cum adhuc peccatores essemus pro nobis mortuus est; ergo & nos malefacientibus debemus benefacere, & B. Petrus melius est benefacientes pati, quia & Christus semel pro peccatis nostris mortuus est, iustus pro iniustis: Sicut, & Iuda osculum dedit, & pro crucifixoribus orauit, & discipulis petentibus contra ciuitatem Samaritanorum. Vis oremus vt veniat ignis, & consumat eos, respondit, Nescitis cuius spiritus estis, filius hominis non venit animas perdere, sed saluare. Ad zelum gloriae Dei, sicut enim Christus omnia opera sua tribuebat Patri, vt ipse ait, Pater in me manens ipse facit opera; Et, mea doctrina non est mea, sed eius qui misit me; & in omnibus Patris gloriae quarebat, Ego non quero gloriam meam, sed eius qui misit me. Et alibi, si ego quero gloriam meam, gloria mea nihil est: adeoque gloriae Patris erat amans, vt dixerit zelus domus tuae comedit me, ita vt plane totus in illam videatur esse mutatus. Si Christus ita loquitur, quid ego? Ita & nos totam Deo gloriam adscribamus, vt semper cum Angelis canamus, gloriae Deo, vt nobis pacem paremus, & cum Bernardo dicat quisque. Ego omnem prorsus abiuro gloriam ne si forte usurpauero quod mihi concessum non est,

est, perdam merito, & quod oblatum est] lege Sermonem totum ubi hoc fusè explicat. Ad Humilitatem maxime, quia in hac peculiari quadam ratione se magistrum præbuit, ut ab eo discamus quia mitis est, & humilis corde; præsertim quod tota eius vita tanta huius virtutis nitet splendore, ab ortu primo in stabulo, ad mortem usque crucis, ut verè Paul. dicat, Christum se ipsum exinanisse; quare ad Philip. sic rectè argumentatur, Nihil per contentionem; neque per inanem gloriam, sed in humilitate superiores sibi inuicem arbitrantes, hoc argumento, quia Christus id nobis exemplum reliquit, hoc sentite in vobis (inquit) quod & in Christo Iesu, qui cum in forma Dei esset, non rapinam arbitratus est esse se æqualem Deo, sed semetipsum exinaniuit, formam serui accipiens; ut merito Ber. dicat, intolerabilis impudentia est, ut ubi se exinanuit maiestas, vermiculus infletur, & intumescat.] Ad Misericordiam, sicut Christus ad eam maxime etiam ut homo erat pronus, sicut cum dixit, Misereor super turbam istam: & cum vidit matrem viduam flentem filium defunctum commota sunt viscera eius ut habent Græca verba apud Lucam: & cum vidit Martham, & Magdalenam flentes fleuit, & ipse; & super Hierusalem fleuit dicens, si cognouisses, & tu; & cum duceretur ad mortem conuersus ad mulieres sequentes dixit, Nolite flere super me, sed super vos ipsas flete; Et cum referret Iudæ miserandum casum Apostolis ait Euangelista, Turbatus est spiritu Iesus; & protestatus est, & dixit, Amen amen dico vobis, quia vnus ex vobis tradet me. Ergo est maxime Christiano homine dignus, pius misericordie affectus, ad miseras hominum, tum corporum tum maxime animarum. Ad Patientiam exemplo Christi hortatur D. Petrus, Christo igitur (ait) passo in carne, & vos eadem cogitatione armamini, & infra Communicantes Christi passionibus gaudete, ut & in reuelatione gloriae eius gaudeatis exultates. Paulus affert exemplum Moysis qui elegit magis affligi cū populo Dei, maiores diuitias estimas opprobrium Christi, quasi dicat, elegit magis aliquid pati in figuram, vel ad imitationem Christi, quamuis ad huc Christus non venisset, quanto igitur magis post aduentum, & perfectissimum exemplum Christi, ducis, qui nos præcedit, & ad Timot. si commorimur (scilicet cum Christo) & conuiuemus. Christi solomus docet quanta sit gloria, & quiddam maius cælo pati pro Christo ipsis (inquit) regijs illustrior erat Pauli carcer, ipso etiam cælo, istud forsitan (scilicet pati pro Christo) illustrius

Cap. 2.

Serm. 1. de Nat. initio. Misericordia

Marc. 8.

Luc. 7.

Ioan. 11.

Luc. 19.

Luc. 23.

Ioan. 13.

1. Ep. c. 4. Patientia.

Hebr. 11.

2. Thim. 2. Hom. 8.

in Ep. ad Ephes. initio.

Z. 4 etiam

etiam est quam sedere ad dexteram ipsius, honestius quam se-
dere super duodecim Thronos.] atque ut incendium patendi
pro Christo quo vivebatur prodar, subiungit de vinculis Pauli
loquens. Quod si quis mihi vel coeli, vel huius catena copiam
& optionem largitus esset, catenam hanc ego plane elegerim
Deinde addit si aut mihi cum Angelis standum fuisset sursum,
aut cum Paulo victo, carcerem utique peroptassem.] Et ego
arbitror sicut nullum maius beneficium & amoris signum Deus
dedit, quam ut factus homo pro nobis sit passus, ita nullam,
mihi maiorem gratiam posse conferre, quam ut concedat pati
aliquid pro ipsius amore ac gloria; Propterea Paul. ad Philipp.
ait Vobis donatum est, non solum ut in Christum credatis, sed
ut pro illo patiamini. Longior essem si de omnibus Christi vir-
tutibus vellem loqui; scilicet prudentia, Iustitia, sobrietate,
Magnanimitate, Castitate, Mansuetudine, Modestia, Benigni-
tate, Zelo salutis animarum, Oratione ac Religione.

Cap. 1.

Mors Christi ac Resurrectio. Cap. XII.

Restat egressus Christi ex hac vita per crucis ac moris
ignominiam, per Resurrectionis & Ascensionis gloriam,
qua nunc fruatur, & in coelis & in toto terrarum orbe, ab An-
gelis, & ab hominibus adoratus. Sit primus locus Christi
Domini Crux & Mors. Ex hoc saepe oportebit argumenta
elicere, ut inducantur omnes ad odium, & peccati fugam,
quandoquidem pro eo delendo, ipse filius Dei crucem passus
& tam ignominiosa ac graua pertulit supplicia. Nihil est
quod magis peccati grauitatem exaggeret: Bernard. Ex con-
sideratione (ait) remedij, periculi mei aestimo quantitatem
sic & medicinae aestimatio, & doloris mihi, & timoris exaggeratio est.] Sic D. Paulus ad Hebraeos, Crucifigentes filium
Dei in semetipsis & ostentui habentes. Et iterum idem Paulus
ex hoc loco argumentum ducit, hortans ne malo exemplo alii
scandalo sint. Et peribit (ait) infirmus in tua scientia fra-
ter pro quo Christus mortuus est? & subdit, Sic autem pec-
cantes in fratres, & percutientes conscientiam eorum infir-
mam, in Christum peccatis; & addit de se ipso: Quapropter
si esca scandalizat fratrem meum, non manducabo carnem in
aeternum, ne fratrem meum scandalizem; idest, ne in Chri-
stum peccem qui pro fratre mortuus est. Valet rursus hic lo-
cus ut Dei, & Christi immensum amorem erga nos proponamus,

Christi passio peccati grauitatem indicat.

Serm. 3. de Nat.

Cap. 6. 1. Cor. 8.

Passio Christi stimulat ad amorem.